

Մաշտոցի Արձագանգ

Հայաստանեաց Եկեղեցւոյ Սուրբ Յակոբ Կիրակօնօրեայ Դպրոցի ամսաթերթ

Հաւատք | Կրօն | Եկեղեցի | Լեզու | Մշակոյթ



Մարտ 2007
ԺԴ տարի- թիւ 7

Զեռնադրութիւն կը կատարեն Եկեղեցւոյ Եպիսկոպոսները, որոնք իրենց կարգին ձեռնադրութեամբ ստացած են այդ իշխանութիւնը: Եկեղեցական խորհուրդին մասին կարդա' էջ 5-6

Խոր Վիրապ

Հայաստանեաց Եկեղեցին այս տարի Մարտ

24-ին կը լիշատակէ Սուրբ Գրիգոր

Հուսատորչի

Խոր Վիրապ մուտքը

Ենթադրենք որ ձեզմէ մէկը հարիւր ոչխար ունի: Երբ անոնցմէ մէկը կորսնցնէ, չի՞ ձգեր իննունինը արօտավայրին մէջ եւ չերթա՞ր կորսուածին ետեւէն, մինչեւ որ գտնէ զայն: Ասէ Աստուած էջ 7

Մեծ պահքի կիրակիներ: Մեծ պահքի իրաքանչիւր կիրակիի մասին կարդա' էջ 10

Այսօր անմարմիններու դասերուն հետ կը պարեն անոնք որոնք Սեբաստիոյ մէջ ճգնութեամբ պատերազմելով թշնամիին յաղթեցին. Քառասուն մանուկներու վերաբերող շարականը կարդա' էջ 4

«Այս հիւանդութիւնը ո՛չ թէ մահուան, այլ Աստուծոյ փառքին պիտի ծառայէ եւ պատճառ պիտի ըլլայ որ Աստուծոյ Որդին փառաւորուի»: Ղազարոսի յարութեան մասին կարդա' էջ 8

«Մաշտոցի Արձագանգ»

Հայաստանեալց Եկեղեցւու
Սուրբ Յակոբ Կիրակօրեայ Դպրոցի
ամսաթերթ

Խմբագիր՝
Ծաղիկ Թորիկեան - Պոյամեան

ՄԱՇՏՈՑԻ ԱՐՁԱԳԱՆԳ.ի ներկայ եւ
նախկին թիւերը կը գտնուին նաեւ
համացանցի վրայ։ Այցելեցէ՞ք
www.sourphagop.org հասցեն եւ
ընտրեցէ՞ք Պարբերաթերթ բաժանումը


Հայաստանեալց Եկեղեցւու
Սուրբ Յակոբ Կիրակօրեայ Դպրոցի
կամաւոր խմբակը

Ուսուցիչներ՝
Վերժին Գիւղթանձեան
Վերա Թորոսեան
Թամար Գիզիրեան
Երան Լոշխանձեան
Յասմիկ Նաճարեան
Գարոլ Մանուկեան
Փոլ Գիզիրեան
Շողիկ Նաճարեան
Աշխեն Իշխանձեան
Յասմիկ Գանաձեան

Հուսանկարիչ՝
Նիկոլ Դանիելեան

Տնօրէն՝
Թորոս Պապիկեան

Այս թիւով...



Ականջ տալ Աստուծոյ կանչին.....	Էջ 3
Կանոն քառասուն մանուկներու.....	Էջ 4
Եկեղեցական խորհուրդներէն՝ Զեննադրութիւն	Էջ 5-6
Ասէ Աստուած.....	Էջ 7-8
Ես եմ յարութիւնը եւ կեանքը.....	Էջ 9
Մեծ պահքի կիրակիներ.....	Էջ 10
Աստուածաշունը՝ մանուկներու համար.....	Էջ 11-12
Վարդանանց եւ Բարեկենդան Կիրակօրեայ Դպրոցէն ներս.....	Էջ 13
Եղակի գիրեր	Էջ 14
Ո՞րն է ճիշդ պատասխանը	Էջ 15-19
Կարճ լուրեր Կիրակօրեալէն.....	Էջ 20

Խմբագրական**Ականջ տալ Աստուծոյ կանչին**

Սուրբ գիրքի ծանօթ պատկերներէն մէկն է հովհիւ եւ հօտի պատկերը ուր հաւատացեալ ժողովուրդը կը նկատուի բանաւոր հօտ մը, իսկ Աստուած՝ անոր հոգեւոր հովհիւը։ Այս պատկերը խորհրդանշական է ու ներկայացուած զանազան ձեւերու տակ որոնցէ մէկն է «կորսուած ոչխարին» առակը, ուր, հովհիւ ձգելով իր իննասունինը ոչխարները կ'երթայ իր կորսուած հարիւրերորդ ոչխարը փնտուելու, մինչեւ որ գտնէ զայն։

Եթէ մենք, հաւատացեալներս, Աստուծոյ որդիներն ենք, պարտինք վստահիլ թէ երբ մենք մոլորինք ու կորսուինք, Ան, իբր ողորմած ու մեզ սիրող Հայր, անպատճառ կու գայ մեզ փնտուելու ու կը գտնէ, ճիշդ այնպէս ինչպէս հովհիւ իր կորսուած ոչխարը ետ չի ժողուր առանձին։ Մենք, իբր հաւատացեալներ, պարտինք մեր կարգին սորվիլ մեր մոլորածութեան վայրկեաններուն հաւատքով սպասել Աստուծոյ փրկարար գալուստին ու վստահիլ Անոր։

Մենք բոլորս ալ առօրեայի ընթացքին դէմ առ դէմ կը գտնուինք դժուարութիւններու եւ բազմատեսակ մտահոգութիւններու։ Այս նեղութիւնները կրնան վերաբերիլ մեր գործին, նիւթական կացութեան, ընտանեկան կամ ընկերային փոխ-յարաբերութիւններուն, առողջութեան կամ ընդհանրապէս կեանքի մէջ մեր նպատակին։

Այս դժուարութիւններուն առջեւ բնական է որ մարդ ընկնուի, մտահոգուի կամ տառապի որովհետեւ նեղութեան հակազդելու ամենէն բնագդային եւ մարդկային ձեւն է պայքարիլ, դժբախտ զգալ, բարկանալ։ Սակայն հոս է որ մեզի կը տրուի այլընտրանք

մը, մոլորած ոչխարին նման, հանդարտութեամբ սպասել որ մեր Տէրը գայ ու գտնէ մեզ, ուղղութիւն ցոյց տայ, եւ մեզի ընկերակցելով դուրս բերէ այդ տագնապահար վիճակէն։


Մենք բոլորս ալ հիմնականօրէն կը պատկանինք Աստուծոյ հօտին։ Սակայն կը պատահի որ մեզմէ շատեր որոշ պատճառներով մոլորին եւ յանձնուելով կեանքի նիւթեղէն ու շօշափելի դժուարութիւններուն, կրին անոնց ծանրութեան տակ։ Աստուծոյ մեզի շնորհած ընտրութիւնն է, մեր նեղութեան տակ ընկնուելու փոխարէն մեր հաւատքին վստահելով յաղթահարել դժուարութեան ու վերագտնել մեր հոգիին խաղաղութիւնը։ Աստուծոյ մեզի պարգեւած շնորհն է հաւատքով ականջ տալ իր կանչին ու սպասել որ ան գայ մեզի մօտ ու մեր մէջ ներկայութիւն դառնալով ձեռքազատէ մեզ մեր ամէն տեսակի նեղութիւններէն։

Աստուծոյ ներկայութեան բարիքն ու իմաստը մեր կեանքերէն ներս ճի՛շդ այս է. մեզի պարգեւած հաւատքին շնորհիւ ձեռքատել մեզ ամէն տեսակի դառնութիւններէ եւ ուղել դէպի հոգեկան խաղաղութիւն, հաշտութիւն եւ երջանկութիւն։ Մեր պարտականութիւնն է սորվիլ ականջ տալ Աստուծոյ կանչին ու զանազանել Անոր կանչը միւս բոլոր ձայններէն, իբրեւ անսահմանօրէն ու անխտիր սիրող Հօր մը կանչը։ Մեր պարտականութիւնն է հաւատալ թէ՝

Տէ՛րն է հովհիւս, ուստի ոեւէ բանի կարօտ պիտի շմնամ։

Մարտ ամսուան տօնացոյց

Մարտ 3: Սուրբ Կիւրեղ Երուսաղիմայ հայրապետ
Մարտ 4: Պահքի Գ. Կիրակի- Անառակի
Մարտ 10: Սուրբ Յովհաննէս Երուսաղիմայ Հայրապետ, Յովհաննէս Օծնեցի, Յովհաննէս Որոտնեցի եւ Գրիգոր Տաթեւացի
Մարտ 11: Պահքի Դ. Կիրակի- Տնտեսի
Մարտ 14: Միջինք
Մարտ 17: Քառասուն մանկունք Սեբաստիոյ
Մարտ 18: Պահքի Ե. Կիրակի- Դատաւորի
Մարտ 24: Սուրբ Գրիգոր Լուսաւորչի մուտն ի Վիրապ
Մարտ 25: Պահքի Զ. Կիրակի- Գալստեան
Մարտ 31: Ցիշատակ Ղազարոսի յարութեան



Կանոն Քառասուն Մանուկներու

Այսօր անմարմիններու դասերուն հետ կը պարեն անոնք որոնք Սեբաստիոյ մեջ ճգնութեամբ պատերազմելով թշնամիին յաղթեցին. անոնց բարեխօսութեամբ խնայէ մեզի, Քրիստոս:

Եւ անօրէն բռնաւորին մոլութիւնը աստուածային քաջութեամբ վանելով՝ ժուժկալութեամբ տոկացին տանջանքներուն. անոնց բարեխօսութեամբ խնայէ մեզի, Քրիստոս:

Անոնց պատուական մարմինները դժնդակ օդէն ճաթուտելով կը տագնապէին սառած լիճին մեջ անտանելի տանջանքներէն եւ իրենց աշքերը երկինք բարձրացնելով քեզմէ օգնութիւն կը խնդրէին. դուն որ սուրբերուդ յոյս ու ապաէնն ես, խնայէ մեզի, Քրիստոս:

Այսօր եկեղեցին կը տօնէ անյաղթելի մարտիրոսներու ճգնութեան յիշատակը, որոնք Սեբաստիոյ մեջ թշնամիին դէմ պատերազմելով քաջութեամբ յաղթեցին. անոնց աղաչանքերով խնայէ մեզի, Քրիստոս:

Այսօր անտանելի չարչարանքով սառած լիճին մեջ նահատակուեցան քառասուն երանելիները, որոնք բարձունքներէն անճառելի ճառագայթներու շողերով կը տաքնային. դուն որ քու սուրբերուդ մեջ իշար, խնայէ մեզի, Քրիստոս:

Այսօր աստուածային երգին լրանալու՝ ջուրէ կ'անցնէին ոսկիի պէս մաքրուած՝ հուրի մեջ փորձուելով եւ երկնային օրբերու քով համբանալով անմարմին զուարթուններու հետ կը դասուէին. դուն որ քու սուրբերուդ մեջ փառաբանուած ես, խնայէ մեզի, Քրիստոս:

Եկեղեցւոյ խորհուրդները Զեռնադրութիւն

Փետրուար ամսուան ընթացքին մենք ծանօթացանք Հայաստանեաց եկեղեցւոյ խորհուրդներէն Սուրբ Պատրի խորհուրդին: Մարտ ամսուան այս թիւով մենք կը ներկայացնենք մեր եկեղեցւոյ եօթ խորհուրդներէն Զեռնադրութեան խորհուրդը:

Ի՞նչ կը նշանակէ «Զեռնադրութիւն»

Զեռնադրութիւնը աստուածային պաշտօնի նուիրուելու, Աւետարան քարոզելու, եկեղեցւոյ խորհուրդները սպասաւորելու, Քրիստոսի փրկութիւնը շնորհելու, ժողովուրդին ապաշխարութեան հրափրելու, նաև շնորհ փոխանցելու խորհուրդն է:

Զեռնադրութիւն կը կատարեն եկեղեցւոյ եպիսկոպոսները, որոնք իրենց կարգին ձեռնադրութեամբ ստացած են այդ իշխանութիւնը:

Մեր եկեղեցւոյ խորհուրդներու նման, Զեռնադրութեան խորհուրդը ե'ս հաստատուած է Քրիստոսի կողմէ: Իրապէս ալ, Յիսուս ձեռնադրեց իր առաքեալները, այսպիսով անոնց շնորհելով քահանայական եւ եպիսկոպոսական ամէն իշխանութիւն:

Անկէ ետք, առաքեալները իրենց ստացած եկեղեցական իշխանութիւնը իրենց կարգին ժողովուրդին մէջէն ընտրուած մարդոց փոխանցեցին, զանոնք սարկաւագ ձեռնադրելով: Սարկաւագները կը զբաղէին ընդհանուր մատակարարութեամբ իսկ առաքեալները ամբողջութեամբ նուիրուած էին քարոզչութեան ու աղօթքի:

Այսպիսով է որ հաստատուեցաւ եկեղեցական նուիրապետութիւնը կամ նուիրապետական կառուցը, այսինքն եկեղեցւոյ ձեռնադրեալ պաշտօնէութեան աստիճանաւորումը:





Գիտէի՞ր թէ... .

Այն անձերը որոնք կը նուիրուին
Աստուծոյ ծառայութեան եւ
Եկեղեցւոյ սպասաւորութեան ու
այսպէսով թեկնածու կ'ըլլան
ձեռնադրութեամբ կրօնական
աստիճան ստանալու, կը
կոչուին «ընծայեալ»:

**Հայաստանեաց Եկեղեցին
ունի ինը աստիճաններ:**

Անոնք են.-

Դոնապանութիւն
Ընթերցողութիւն
Երդըմնեցուցչութիւն
Զահընկալութիւն
Կիսասարկաւագութիւն
Սարկաւագութիւն
Քահանայութիւն
Եպիսկոպոսութիւն
Կաթողիկոսութիւն

Իւրաքանչիւր աստիճանի մասին
մանրամասնութիւններ... յաջորդ
թիւով:



**Ինչո՞ւ ձեռնադրութիւնը
խորհուրդներու կարգին կը դասուի**

Ձեռնադրութիւնը Եկեղեցական
խորհուրդ մը կը նկատուի որովհետեւ
հաւատքով կ'ըմբոնենք թէ նուիրեալը
ձեռնադրութեամբ կ'ընդունի Աստուծոյ կողմէ
իրեն ընծայուած Եկեղեցական կարգ,
իշխանութիւն եւ երկնային իմաստութիւն:

Ասէ Աստուած...

Յիսուս Քրիստոսի Աւետարանը Հստ Ղուկասի (15.1-32)

Մաքսաւորներ եւ մեղաւորներ Յիսուսի կու գային՝ զինք լսելու համար: Փարիսեցիներն ու օրէնքի ուսուցիչները սկսան տրտնջալ, ըսելով. «Ինչպէ՞ս կ'ըլլայ որ այս մարդը մեղաւորները կ'ընդունի եւ անոնց հետ կը ճաշէ»:

Յիսուս հետեւեալ առակները պատմեց անոնց.

- Ենթադրենք որ ձեզմէ մէկը հարիւր ոչխար ունի: Երբ անոնցմէ մէկը կորսնցնէ, չի՞ ճգեր իննաւունինը արօտավայրին մէջ եւ չ'երթա՞ր կորաւածին ետեւէն, մինչեւ որ գտնէ զայն: Եւ երբ գտնէ, ուրախութեամբ իր ուսերուն վրայ կը դնէ եւ տուն կը դառնայ, կը կանչէ իր բարեկամներն ու դրացիները եւ կ'ըսէ անոնց. «Ուրախացէ՞ք ինծի հետ, որովհետեւ կորսուած ոչխարս գտայ»: Կ'ըսեմ ձեզի, երկինքի մէջ նոյնակս ուրախութիւն պիտի ըլլայ մէկ ապաշխարող մեղաւորի համար, քան իննաւունինը արդարներու համար, որոնք ապաշխարութեան պէտք չունին:

- Կամ ենթադրենք թէ կին մը տասը արծաթ դահեկան ունի: Երբ անոնցմէ մէկը կորսնցնէ, ճրագը չի՞ վառեր եւ տունը ուշադրութեամբ չ'ալեր, մինչեւ որ դահեկանը գտնէ: Եւ երբ գտնէ, կը կանչէ իր բարեկամուհիներն ու դրացիները եւ կ'ըսէ անոնց. «Ուրախացէ՞ք ինծի հետ, որովհետեւ կորսնցուցած դահեկանս գտայ»: Կ'ըսեմ ձեզի, Աստուծոյ հրեշտակները նոյն ձեւով պիտի ուրախանան մեղաւորի մը համար, որ կ'ապաշխարէ:

Ապա շարունակեց.

- Մարդ մը երկու զաւակ ունէր: Կրտսերը հօրը ըսաւ. «Հայր, քու ստացուածքն ինծի ինկող բաժինը հիմա՞ տուր ինծի»: Եւ հայրը իր զաւակներուն միջեւ բաժնեց իր ունեցածը: Քանի մը օր ետք կրտսեր զաւակը առաւ իր ամբողջ հարստութիւնը եւ հեռու երկիր մը գնաց: Հոն անառակ կեանք մը ապրելով մսինց հարստութիւնը եւ ապառեց իր ամբողջ ունեցածը:


Պատահեցաւ որ այդ երկիրն մէջ մեծ սով մը տիրեց, երբ արդէն ինք սկսած էր աղքատանալ: Ուստի գնաց այդ երկիր քաղաքացիներէն մէկուն քով ծառայ եղաւ, եւ անհկա իր ազարակը դրկեց զինք՝ խոզեր արածելու համար: Նոյնիսկ պատրաստ էր խոզերուն կերած եղջիւներով իր փորը լեցնելու, սակայն ոչ ոք կու տար իրեն: Երբ անդրադարձաւ իր վիճակին, ինքնիրեն ըսաւ. «Հօրս տան մէջ քանի՞ գործաւորներ կան, որոնք իրենց պէտք եղած կերակուրէն աւելին ունին, մինչ ես հոս անօթութենէ կը մեռիմ: Ելլեմ երթամ հօրս քով եւ ըսեմ իրեն.- Հայր, մեղանչեցի Աստուծ ոյ եւ քեզի դէմ. այլեւս արժանի չեմ քու որդիդ կոչուելու, զիս նկատ քու գործաւորներէն մէկը»: Ապա ելաւ եւ հօրը քով գնաց:

Տակախն տունէն բաւական հեռու էր, երբ հայրը տեսաւ զինք ու գթաց. վազելով դիմաւորեց զայն, վզին փաթթուեցաւ եւ համբուրեց: Որդին հօրը ըսաւ. «Հայր, մեղանչեցի Աստուծոյ եւ քեզի դէմ. այլեւս արժանի չեմ քու որդիդ կոչուելու»: Հայրը իր

Ե՛ս եմ յարութիւնը եւ կեանքը

ծառաներուն հրամայեց. «Անմիջապէս բերէք լաւագոյն պատմուճանը եւ հագցուցէք իրեն. մատանի անցուցէք իր մատին եւ կօշիկ տուէք իրեն: Բերէ՛ք պարարտ հորթը, մորթեցէք, ուտենք եւ ուրախանանք: Որովհետեւ իմ այս զաւակս մեռած էր՝ ողջնցաւ, կորսուած էր՝ գտնուեցաւ»: Եւ սկսան խրախմանքի:

Մինչ այդ, երէց զաւակը ագարակ կը գտնուէր: Վերադարձին, երբ տան մօտեցաւ՝ երգի ու պարի ձայներ լսեց: Կանչեց ծառաներէն մէկը եւ հարցուց թէ ի՞նչ կայ: Ծառան ըսաւ իրեն. «Եղբայրդ եկաւ. եւ որովհետեւ ողջ-առողջ վերադարձաւ, հայրդ պարարտ հորթը մորթեց»: Երէց զաւակը զայրացաւ եւ չուզեց ներս մտնել: Այս մասին իմանալով, հայրը դուրս ելաւ եւ աղաչեց որ ներս մտնէ: Իսկ ան պատասխանեց. «Տարիներէ ի վեր քեզի կը ծառապեմ. ոեւէ մէկ հրահանգդ շանտեսեցի, եւ սակայն նոյնիսկ ուլ մը չտուիր ինձի, որ ուրախանայի բարեկամներուս հետ: Մինչդեռ, երբ քու այդ որդիդ եկաւ, որ քու ստացուածքդ պոռնիկներուն հետ մսխեց, պարարտ հորթը մորթեցիր անոր համար»: Հայրը ըսաւ. «Տղա՛ս, դուն միշտ ինձի հետ ես եւ ամբողջ ունեցած քուկդ է: Սակայն հիմա պէտք է ուրախանանք եւ ցնանք, որովհետեւ այս եղբայրդ մեռած էր՝ ողջնցաւ, կորսուած էր՝ գտնուեցաւ»:



Յիսուսի այս նշանաւոր խօսքը լաւապէս կը նկարագրէ Ղազարոսի յարութեան հրաշքը: Այն հրաշքը որմով Յիսուս, չորս օրերէ իվեր մահացած իր բարեկամին գերեզմանին առջեւ կանգնած հրամայեց անոր որ դուրս գայ: Իրապէս ալ, Ղազարոս դուրս գալով գերեզմանէն, մեռելներէն վեր բարձրացաւ ու Յարութեան շնորհին արժանի եղաւ: Ղազարոսի յարութիւնը Յիսուսի կատարած յայտնի եւ հիանալի հրաշքներէն մէկն է:

Ղազարոս Քրիստոսի բարեկամ եւ աշակերտ էր, եղբայրը Մարթայի եւ Մարիամի: Յիսուս այս գերդաստանը շատ կը սիրէր եւ յաճախ այցելութիւն կու տար անոնց: Երբ Ղազարոս ծանր հիւանդ էր, անոր քոյրերը լուր դրկեցին Յիսուսի ըսելով. «Տէր, ահա անիկա զոր դուն կը սիրես հիւանդ է»: Գիտնալով հինդերձ որ իր սիրելի բարեկամը ծանր հիւանդ էր, Յիսուս երկու օր ետք միայն մեկնեցաւ դէպի Բեթանիա, ուր կ'ապրէր Ղազարոսի ընտանիքը: Ան արդարացուց իր այս որոշումը իր աշակերտներուն ըսելով. «Այս հիւանդութիւնը ո՛չ թէ մահուան, այլ Աստուծոյ փառքին պիտի ծառայէ եւ պատճառ պիտի ըլլայ որ Աստուծոյ Որդին փառաւորուի», ըսել ուզելով թէ Ղազարոսի մահին կենդանանալը առիթ պիտի ընծայէք մարդոց ականատես ըլլալու Աստուծոյ փառ քին ու Քրիստոսի Աստուծոյ կողմէ դրկուած ըլլալուն:

Յովհաննէս Օձնեցի

Մարտ ամսուան ընթացքին, Հայաստանեաց Եկեղեցին իր տօնացոյցին մէջ յատուկ տեղ տուած է երեք մեծ դէմքերու որոնք իրենց ամբողջ կեանքն ու գործունէութիւնը ի սպաս դրած են հայ ժողովուրդի հոգեւոր դաստիարակութեան ու բարօրութեան։ Այս դէմքերէն մէկն է Յովհաննէս Օձնեցի։

Հայաստանի մէջ արաբական տիրապետութեան շրջանի նշանաւոր հայրապետներէն մէկն է Յովհան Օձնեցի Կաթողիկոսը որ եղած է սրբակեաց, իմաստուն եւ քաղաքագէտ անձնաւորութիւն մը։ Իր իմաստափրական հանճարին շնորհիւ ան կոչուած է Յովհաննէս իմաստասէր։

Յովհաննէս Օձնեցիի ժամանակ, Հայաստանի մէջ բոյն դրած էին զանազան տեսակի աղանդներ, որոնք երկրին զանազան կողմերը տարածուելով կը մոլորեցնէին ժողովուրդէն բաժին մը ու զանոնք կը հեռացնէին իրենց մայրենի Եկեղեցիէն։ Այս աղանդաւորներուն մէջ Պատղիկեանները ու Երեւութականները թիւով ամենէն աւելի մեծերն էին ու կը յաջողէին շատերու համոզել ու առաքելական Եկեղեցիէն հեռացնել։ Յովհաննէս Հայրապետի առաջին գործը եղաւ պայքարիլ այս աղանդաւորներուն դէմ։ Այս նպատակով ան ժողով մը գումարեց Դուխին մէջ ուր կարեւոր որոշումներ առնուեցան Հայ Եկեղեցւոյ զօրացման ու բարգաւաճման առընչութեամբ։

Յովհաննէս Օձնեցի հայրեպետին բարի եւ իմաստուն համբաւը հասաւ Դամասկոս եւ արաք ամիրապետը ուզեց անձամբ տեսնել Հայոց Կաթողիկոսը։ Ընդառաջ Ելով ամիրապետի հրաւերին, Յովհան Օձնեցի գնաց Դամասկոս։ Ընդունելութեան ընթացքին, ամիրապետը շատ լաւ տպաւորուեցաւ Կաթողիկոսին իմաստուն խօսքերէն սակայն զարմանալով անոր շքեղ հանդերձներուն ու արդուզարդին առջեւ հարցուց։

- Զեր կրօնքը պարզութիւն եւ անձնուրացութիւն կը քարոզէ իսկ դուք շքեղութեամբ կը փայլիք։ Ի՞նչ է ասոր



**Զախին՝
Ս.Յովհաննէս Օձնեցի
Երեւան Զեռագիր
1502
Էջ 414բ,
Յայսմաւուրք,
1651թ., Կ. Պոլիս,
Ժաղկող՝ Մարկոս
Պատկերահան**

պատճառը։ Կաթողիկոսը կը պատասխանէ։

- Առաջին դարերու քրիստոնեաներուն կատարած սքանչելիքներն ու հրաշքները ներկայիս մենք չենք կրնար կատարել, ուրեմն շքեղ հանդերձներով կը զարդարուինք, որպէսզի կարենանք ժողովուրդին վրայ ազդել եւ բարիին առաջնորդել։

Այս արտասովոր պատասխանէն վերջ, ամիրապետը կաթողիկոսին խնդրանքին ընդառաջելով սրահէն դուրս հեռացուց բոլոր ներկաները։ Երբ երկուքը առանձին մնացին, Յովհաննէս Օձնեցի հանեց իր շքեց հանդերձները ու մնաց իր մորթին վրայ կրած կենդանիի մազէ հիւսուած ճգնաւորական հագուստով։ Ամիրապետը այս տեսնելով հասկցաւ թէ Կաթողիկոսը իր Երեւոյթին տակ կը պահէր անձնուրաց, համեստ ու պարզ կեանք մը։

Յովհաննէս Օձնեցի իր վերջին երկու տարիները անցուց ճգնաւորութեամբ եւ վախճանեցաւ 729 թուին, տասնըմէկ տարուան գահակալութենէ ետք։

Մեծ Պահքի կիրակիներ

Մեծ Պահքի շրջանին մէջ զուգադիպող իւրաքանչիւր Կիրակի օրուան Հայաստանեաց եկեղեցին տուած է անուն մը:

Մարտ ամսուան կիրակի օրերը յաջորդաբար կը ներկայացնեն Մեծ Պահքի երրորդ, չորրորդ, հինգերորդ եւ վեցերորդ կիրակիները: Անոնք, ըստ նոյն շարքին, կը կոչուին «Անառակի», «Տնտեսի», «Դատաւորի» եւ «Գալստեան» կիրակի:

3

Անառակի կիրակի

Մեծ պահքի Գ. կիրակին այս անունը կը կրէ, որովհետեւ նոյն օրուան Աւետարանի ընթերցումի ընթացքին կը կարդացուի Ղուկասի 15-րդ գլուխը, ուր կը գտնուի հարիւր ոչխաներու եւ տասը դրամի եւ անառակ որդիին առակները: Ներսես Շնորհալին Անառակի կիրակիի իր շարականները այս առակներուն վրայ հիմնուելով գրած է:

Անառակի կիրակին այս տարի կը զուգադիպի Մարտ 4-ին:

4

Տնտեսի կիրակի

Այս անունը կը տրուի Մեծ Պահքի չորրորդ կիրակին որ այս տարի կը զուգադիպի Մարտ 11-ին:

Այս օրուան պատարագի ընթացքին կը կարդացուի Տնտեսի առակը որ կը գտնուի Ղուկասի աւետարանի 16-րդ գլխուն մէջ:

5

Դատաւորի կիրակի

Այսպէս կը կոչուի Մեծ Պահքի հինգերորդ կիրակին: Այդ օրուան ընթացքին կը կարդացուի Ղուկաս 18-ի այն մասը որ կը պարունակէ դատաւորին եւ մաքսաւորին առակները, որոնք կը յիշատակուին նաև օրուան պատշաճող շարականներուն մէջ եւս:

Դատաւորին կիրակին այս տարի կը զուգադիպի Մարտ 18-ին:

6

Գալստեան կիրակի

Մեծ Պահքի վեցերորդ կիրակին որ «Գալստեան» կը կոչուի կը վերաբերի Քրիստոսի աշխարհ գալուն խորհուրդին: Օրուան աւետարանին վերջին համարն ալ Քրիստոսի գալստեան կ'ակնարկէ:

«Բայց կ'ըսեմ նաեւ, ա՛ պիտի չտեսնէք զիս, մինչեւ որ ըսէք. «Օրինեալ ըլլայ ամ՝ որ կու գայ Տիրոջ անունով»: Մատթէոս 23.39


Աստուածաշունչը մանուկներու համար

Ժայռի վրայ շինուած տունը


Աւելի զօրաւոր ե՞նք երբ Յիսուսի խօսքը մտիկ կ'ընենք:
Ահա թէ ինչ կը պատմէ Յիսուս՝



Երկու մարդիկ տուն կը շինեն: Առաջին մարդը հողը խորունկ կը փորէ եւ իր տան հիմը ժայռի վրայ կը հաստատէ, որպէսզի տունը տոկուն ըլլայ:



Երբ աճերեւներ կուգան եւ գետերը կը յորդին տունը չի փլիր եւ չի խախտիր որովհետեւ տան հիմը ժայռի վրայ հաստատուած է:



Երկրորդ մարդը տունը շինելու համար հողը չի փորեր այլ տունը կը շինէ աւազի վրայ:



Օր մը անձրեւները կը տեղան եւ հովը կը փչէ: Փոթորիկը կը զարնէ տան պատերուն եւ տունը անմիջապէս կը քանդուի:

**Այս պատմութեամբ
Յիսուս մեզի կ'ըսէ՝
«Այն անձը որ Իմ
խօսքերս կը լսէ բայց
անոնք չի գործադրեր
կը նմանի այն
մարդուն որ տունը
աւազի վրայ կը շինէ:
Սակայն այն անձը որ**



Իմ խօսքերս կը լսէ եւ իր կեանքը անոնց վրայ կը հիմնէ, կը նմանի այն մարդուն որ իր տունը կը շինէ ժայռի վրայ:»

Վարդանանց եւ Բարեկենդան

Կիրակնօրեայ Դպրոցէն Օերս



Եզակի գիրեր

Հայերէն գիրերով Sudoku

ա	բ	է	ե	գ	լ	զ	դ	թ
գ	դ	զ	ա	է	թ	լ	բ	ե
լ	ե	թ	դ	զ	բ	ա	գ	է
բ	գ	դ	թ	ա	է	ե	լ	զ
թ	լ	ե	զ	բ	գ	դ	է	ա
զ	է	ա	լ	ե	դ	գ	թ	բ
ե	թ	լ	բ	դ	ա	է	զ	գ
է	զ	բ	գ	լ	ե	թ	ա	դ
դ	ա	գ	է	թ	զ	բ	լ	լ

Նախորդ «Եզակի գիրեր» ուն
լուծումը

գ		դ	լ					
	ա							
թ	զ					ե	ա	դ
				է	զ		լ	բ
			բ		ա			
բ	է		գ	թ				
դ	լ	բ				թ	է	
						դ		
			է	լ			գ	

Ամբողջացուր քառակուսիները գործածելով ա, բ, գ, դ, ե, զ, է, լ, թ գիրերը պայմանաւ որ միայն մէկ անգամ գործածես իւրաքանչիւր գիր իւրաքանչիւր՝

- հորիզոնական գիծի վրայ,
- ուղղահայեաց գիծի վրայ եւ
- ինեակ քառակուսիի մէջ

Ո՞ր է ճիշդ պատասխանը Փետրուար ամսուան պատասխանները

Մանկապարտէզի անկիւն

Տիրոջ. նուիրուի, տատրակ, աղաւնիի,
Սիմոն, Սուրբ Հոգին, Օծեալը, Յիսուսը,
գոհաբանեց

Նախակրթարան Ա. Բ. Գ. անկիւն

1. գ. 40
2. դ. 451
3. ա. Զօրավար Էր
4. դ. անդամալոյժին
5. Բուն Բարեկենդան
6. գ. Սուրբ Ղետոնդեաց Քահանացից
7. բ. Բարի կեանը
8. Մեծ Պահիք
9. Հաւատամք ի մի Աստուած, ի հայրն
ամենակալ:
10. 3

Նախակրթարան Դ. Ե. Զ. անկիւն

1. գ. 40
2. ա. գ. 14 բ. Տեառնընդառաջ
3. Սուրբ Պատակ կամ ամուսնութիւն
4. Սուրբ Սահակ Պարթեւ

5. Ս. Սահակ Պարթեւ

6. ա. Վարդանանցի յաջորդող

Երկուշաբթին

բ. Բուն բարեկենդանին յաջորդող

Երկուշաբթին

7. Ս. Ներսէս Շնորհալի

8. Ս. Եղիշէ Պատմիչ

9. Արտաքսման

10. Անառակին

Երկրորդականի անկիւն

1. Քաղկեդոն

2. Նուարսակ

3. 14 Փետրուար

4. Առաջաւրաց

5. Առաջաւրացի առաջին 4 օրերը

6. Ցովնան Մարգարէին գիրը

7. 381

8. 40

9. Աւետարանն, Եկեղեցի

10. Ս. Եղիշէ Պատմիչ

Ո՞րն է ճիշդ պատասխանը

Փետրուար ամսուան մասնակցողները

Սուրբ Յակոբ Կիրակոսորեայ Դպրոց

Սուրբ Յակոբ Ազգային Վարժարան

Մանկապարտէզ

Հրակ Պանքեան, Սեւակ Թեհինեան, Տանիէլ Տօնապետեան, Լորա Տօնապետեան, Լիլի Չինչինեան, Քրիստինա Ակրեան, Ժիվի Քէօշկերեան, Սելենա Կարապետեան, Յակոբ Գիւթաննեան

Ծաղիկ Դասարան

Անսխալ պատասխանող
Արագ Աղպապեան

Վարդգէս Եւ Աստղիկ Սարաֆեան
Նախակրթարան

Նախակրթարան Ա.Բ. Գ. անկիւն

Փաթիլ Կարապետեան, Քրիստոֆըր Արմութլու, Նշան Կիրակոսեան, Արա Միրզյեան, Սեւակ Դափթեան, Շօնաթան Չարֆանեան, Ալիք Գապաքեան, Դանիէլ Ակրեան, Միեր Պանքեան, Կլօրիա Կարապետեան, Խշխշեան Ռիթա, Շեսիքա Մաթոսեան, Կրէս Նարեկեան, Յարութ Նասոյեան, Կարինէ Կարապետեան, Արազ Քէպթաննեան, Ռիթա Մամիրյեան, Սերժ Դափթեան, Քարինա Քիւփելեան, Հրակ Քիւփելեան, Յակոբ Չինչինեան, Արազ Գիւթաննեան, Նանար Եագուպեան:
Անսխալ պատասխանողներ
Սեւակ Պապիկեան

Դ. դասարանի

Մասնակցողներ

Լորի Զուխաճեան, Աւետիս Թիւֆէնքճեան, Ատրինա Մուրատեան, Թովմաս Զաքուր, Վանէսա Փիլիկեան, Արամ Անասալ, Սանտրա Թիւֆէնքճեան, Դինա Կարապետեան, Սառա Թէրզեան, Սիրվարդ Սապաղեան, Արփի Զերքզեան, Գարին Տանաօղլեան, Ալեքսանտր Զաքեան, Միեր Շարաշեան, Մելիսա Պետրոս, Թամար Մերտիսաննեան, Լինեթ Իսրայէլեան, Սեւան Մելեքեան, Ազնիւ Աղպապեան, Սանտրա Կիւլիմեան, Բիթըր Սարգիս, Սերենա Քիւլիլիքեան, Նաթալի Հայրապետեան, Շողիկ Թեհինեան, Մարիամ Մկրտիչեան, Ալինա Մարտիրոս, Ալեք Թոպի, Տանիէլ Չիելուքովսկի, Արթիւր Պէքարեան, Դանիա Ժօննէթ, Սեւան Ցուտիկեան, Արա Սոպանեան, Լորի Շոպոյեան

Անսխալ պատասխանողներ

Շանթ Ղազելեան, Ռուբէն Զէրչեան, Ալեք Կարապետեան, Գրիստիան Տիւպէ, Ռուպինա Տէմիրճեան, Արամ Պարթեւեան,

Ե. դասարանի Մասնակցողներ

Ալին Տէրտինեան, Նայիրի Թաշճեան, Շանթալ Թորոսեան, Թալի Բակլայեան, Դաւիթ Աբովիկեան

Սերոբ Թաջճեան, Անուշ Ներսէսեան

Գարին Մարգարեան, Էլի Գույումճեան, Յովսէփ Կիւնեան, Դալար Գիւթաննեան

Անսխալ պատասխանողներ

Սեւակ Թաջճեան, Գրիգոր Պալապանեան, Տիրան Ամիկեան, Արի Կարժապետեան, Շորժ Գալլողլեան Սարին Պէջճեան, Խաչիկ Պալեան, Դուին Տօնապետեան, Ալիք Կարապետեան, Լորին Մանուկեան, Անդրանիկ Պաղտասարեան

Նախակրթարան Դ.Ե.Զ. անկիւն

Գեղրգ Պուիքեան, Զոհրապ Կարապետեան, Ալեք Կարապետեան, Միեր Մաթոսեան, Թեհինեան Շողիկ, Նանոր Քիւփելեան, Ռոզալին Չինչինեան, Հրայր Մաթոսեան, Մարիա Դանիէլեան, Հրայր Մաթոսեան, Լորի Չինչինեան, Շալար Գիւթաննեան, Շէգ Չարֆաննեան Անսխալ պատասխանողներ
Առէն Պապիկեան, Կասիա Արմութլու

Երկրորդականի անկիւն

Թամար Պուիքեան, Յովիկ Կարապետեան, Քրիստին Կարապետեան, Արի Միրզյեան, Լորա Սարիմանուկեան, Սեդրակ Մամիրյեան, Հրակ Նարեկեան, Լորա Սարիմանուկեան

**Ո՞րն է ճիշդ պատասխանը
Մանկապարտեզի անկիւն**



Յիսուսի յաղթական մուտքը Երուսաղէմ

Այս տարի Ծաղկազարդը Ապրիլ --- ին է:

Ամբողջացո՞ւր ըստ Յովհաննէս 12.12- 15

**Երուսաղէմ, Յիսուս, արմաւենիի, Ովսաննա՝, Տիրոշ, Սուրբ,
Զատիկի, աւանակի**

Յաջորդ օրը, ժողովուրդի մեծ բազմութիւն մը, որ -----
տօնին առիթով ----- եկած էր, երբ լսեց թէ ----- Երուսաղէմ
կու գայ, ----- ճիւղեր առաւ եւ Յիսուսը դիմաւորելու ելաւ,
բարձրաձայն աղաղակելով.

«-----, օրինեա՛ ըլլայ ամ՝ որ կու գայ ----- անունով,
Խորայէլի թագաւորը»

Յիսուս էշ մը գտնելով՝ նստաւ անոր վրայ, ինչպէս որ ----- գիրքերուն
մէջ գրուած է.-.

«Մի՛ վախնար, ո՞վ Երուսաղէմ, Սիոնի՛ աղջիկ. ահա թագաւորդ
քեզի կու գայ իշու մը ----- վրայ նստած»:

**Ո՞րն է ճիշդ պատասխանը
Նախակրթարան Ա. Բ. եւ Գ. դասարաններու անկիւն**

Անուն: _____

1.- Քառասուն Մանկունք Սեբաստիոյ Քանի՞ հոգի էին:

ա.- 1

բ.- 3

գ.- 8

դ.- 40

2.- Բուն բարեկենդանին յաջորդող Կիրակին կը կոչուի Արտաքսման Կիրակի: Ի՞նչ կը նշանակէ «արտաքսել»:

ա.- Դուրս հանել

բ.- Ներս ընդունիլ

գ.- Դաս սորվիլ

դ.- Խաղալ

3.- Արտաքսման Կիրակին յիշատակն է երկու հոգիի դրախտէն դուրս ելլելուն: Որո՞նք են անոնք:

ա.- Աղամը եւ Եւան

բ.- Կայէնը եւ Աբելը

գ.- Եսաւը եւ Յակոբը

դ.- Յովսէփը եւ իր եղբայրները

4.- Արտաքսման Կիրակին յաջորդող Կիրակին կը կոչուի Անառակի: Այս տարի ե՞րբ էր Անառակի Կիրակին:

ա. Մարտ 4

բ. Մարտ 11

գ. Փետրուար 25

դ. Փետրուար 18

5.- Անառակ որդիին պատմութիւնը հետեւեալներէն ո՞ր մէկն է:

ա.-Յիսուսի պատմած առակներէն

բ.- Հին Կտակարանի պատահարներէն
գ.-Նոր Կտակարանի պատահարներէն
դ.-Անանկ առակ կամ պատմութիւն չկալ:

6. Մեծ պահքի չորրորդ Կիրակին այս տարի Մարտ 11-ին է: Ի՞նչ կը կոչուի այդ Կիրակին:

ա.-Արտաքսման

բ.- Անառակին

գ.- Տնտեսին

դ.- Դատաւորին

7. Ի՞նչ կը կոչուի Մեծ Պահքի միջինը եղող Զորեքշաբթի օրը:

ա.-Կէս

բ.- Միջինք

գ.- աւագ Զորեքշաբթի

դ.- Ոտնլուայ

8. Այս տարի Միջինքը ո՞ր օրն է:

Մարտ ---

9. Գրէ՛ գրաբարով «Եւ մէկ Տիրոջ Յիսուս Քրիստոսի՝ Աստուծոյ Որդիին»:

10. Գրէ՛ գրաբարով «ծնած Հայր Աստուծմէ՝ միածին, այսինքն Հօրը Էութենէն»:

**Ո՞րն է ճիշդ պատասխանը
Նախակրթարան Դ. Ե. Եւ Զ. Դասարաններու անկիւն**

Անուն: _____

1.- Ս. Քառասուն Մանուկները ո՞ր քաղաքէն էին:

աաեիբՍստ

2.- Գրէ՛ ճիշդ յաջորդականութեամբ Մեծ Պահքի 7 Կիրակիները:

ա.- Բուն Բարեկենդան

բ.- -----

զ.- -----

դ.- Տնտեսի

ե.- -----

զ.- -----

է.- Ծաղկազարդ

3.- Միջինքը ո՞ր օրը եւ ո՞ր երկու Կիրակիներուն միջեւ տեղի կ'ունենայ:

ա.- Հինգշաբթի՝ Արտաքսման եւ Անառակի

բ.- Չորեքշաբթի՝ Տնտեսի եւ Դատաւորի

զ.- Երեքշաբթի՝ Դատաւորի եւ Գալստեան

դ.- Չորեքշաբթի՝ Դատաւորի եւ Գալստեան

4.- Մեծ Պահքի 7 Կիրակիներէն ո՞ր երեքը Յիսուսի պատմած առակներով կ'անուանուին:

ա.- -----

բ.- -----

զ.- -----

5.- Գալստեան Կիրակին որո՞ւ խոստացած երկրորդ գալուստին կ'ակնարկէ:

6. - Ի՞նչ կը կոչուի Ղազարոսի Յարութեան յաջորդող օրը:

7. - Մենք այս տարի Մարտ 10 ին ո՞ր չորս սուրբերուն յիշատակը պիտի տօնենք:

ա.- Յովհաննէս -----

Հայրապետ

բ.- Յովհաննէս -----

գ.- Յովհաննէս -----

դ.- Գրիգոր -----

8. Հսկումի արարողութեան ընթացքին դպրաց դասը ո՞ր աղօթքը կը կարդայ:

ա.- Առաւօտ Լուսոյ

բ.- Հաւատամք

գ.- Հաւատով Խոստովանիմ

9. Ըսէ՛ մէկ բառով.

«Նուիրուած Աստուծոյ ծառայութեան եւ եկեղեցւոյ սպասաւորութեան. թեկնածու ծեռնադրութեամբ կրօնական աստիճան ստանալու»:

10. Այս տարի Ծաղկազարդը ո՞ր օրն է, եւ ո՞ր ժամուն է մանուկներու թափօրը:

Ապրիլ ---- ժամը ---.00 ին

**Ո՞րն է ճիշդ պատասխանը
Երկրորդականի անկիւն**

ԱՇՈՒՅԹ:

1.- Որո՞նք են դպրութեան 4

աստիճանները:

ա.- -----
բ.- -----
գ.- -----
դ.- -----

2.- Գրե՛ ճիշդ յաջորդականութեամբ
Բուն Բարեկենդանին յաջորդող 7

Կիրակինները:

ա.- Բուն Բարեկենդան
բ.- -----
գ.- -----
դ.- -----
ե.- -----
զ.- -----
է.- -----
ը.- -----

3.- Միջինքը այս տարի ո՞ր օրն է:

Մարտ -----

4.- Ի՞նչ կը նշանակէ ընծայեալ:

5.- Ո՞վ է այն սուրբ Կաթողիկոսը որ
վախճանեցաւ 728 թուին, գրեց հայոց
առաջին Կանոնագիրքը, ինչպէս նաև
ճառեր, շարականներ եւ որուն տօնը այս
տարի կը տօնենք Մարտ 10 ին:6.- Սուրբ Գրիգոր Տաթեւացիի
տօնին յաջորդող օրը ի՞նչ կը կոչուի:7.- Ո՞ր Աւետարանին մէջ կը
կարդանք Յիսուսի խօսքը ուր կ'ըսէ.
«Ե՛ս եմ յարութիւնը եւ կեանքը: Ան որ
ինձի կը հաւատայ, թէպէտեւ մեռնի՝
պիտի ապրի»:

ա.- Մատթէոս
բ.- Մարկոս
գ.- Ղուկաս
դ.- Յովհաննէս

8. Ո՞ր Աւետարանին մէջ կը կարդանք
Յիսուսի այն երեք առակները
որոնցմով կը նշուին Մեծ Պահքի 3րդ,
4րդ եւ 5րդ կիրակինները:

ա.- Մատթէոս
բ.- Մարկոս
գ.- Ղուկաս
դ.- Յովհաննէս

9. Այս տարի Ե՞րբ կը յիշատակենք Ս.
Գրիգոր Լուսաւորչի մուտն ի Վկրապը:10. Այս տարի Երբ կը տօնենք այս 2
սուրբերուն տօնը: -----

Կարճ լուրեր Կիրակնօրեայէն Կիրակնօրեայ Դպրոցը բաց է ամէն Կիրակի ժամը **10:30 - 1:15**

Յաւելեալ տեղեկութիւններու համար կապ պահել, Տնօրէնից՝ Թորոս

Պապիկեանին հետ եմակ : director@sourphagop.org Հեռ : (514) 956-1277

«ՄԱԾՏՈՑԻ ԱՐԶԱԳԱՆԳ»ի ներկայ եւ նախկին թիւերը կը գտնուին նաեւ համացանցի վրայ: Այցելեցէք www.sourphagop.org հասցեն եւ ընտրեցէք Պարբերաթերթ բաժանումը:

Յատուկ Հրաւեր

Ինչ որ ուզած էք գիտնալ
Ծաղկազարդի մասին,
բայց՝ քաշուած հարցնելու

**Հաւաքոյց՝
Ամբողջ Ընտանիքին համար**

Խաղեր Ֆեռայքին Աշխատանքներ Ուսելիքներ Պարուած Բավթիթներու փնտուուք

Չարաթ 31 Մարտ 2007, կ.ե. ժամը 4:00 – 6:00
Հայ Կեդրոնի Աւետիս Աթարոնեան Սրաբ

Մուտքը Ազատ

Ձեր 0-12 տարեկան զաւակները արձանագրելու և
յանելալ տեղեկութիւններու համար մեռանալուցեւք
514-331-5445 X 202 բիւհն
Email: egilise58@sourphagop.com

Ս. Յակոբ Առաջնորդանիստ Մայր Եկեղեցւոյ

ՏԵՂԵԿԱՄՈՒ

Ա. Տարի Թիւ 1

Մարտ 2007

Ստանալու համար այցելել հետեւեալ կարեջը

[www.sourphagop.org/
newsletter/newsletter.htm](http://www.sourphagop.org/newsletter/newsletter.htm)

Sourp Hagop Armenian Church

Newsletter

Volume 1 No 1

March 2007

**View or download from
[www.sourphagop.org/
newsletter/newsletter.htm](http://www.sourphagop.org/newsletter/newsletter.htm)**